

ETBⁿ IKUSTEKOAK GARA



"JAUN ETA JABE"

Gaur herriak eskatutako itzulera ETB1ean.

Gure lehendakaria berriro gurean. Ez galdu

Jaun eta Jaberaren atal berriak,

ETBn ikustekoak gara.



'Lurralde biktimismoa' kritikatu du Salaburuk

■ Gasteizko Las Nieves moldatzea gaitzetsi du

L.K.G. / Gasteiz

PELLO SALABURU Euskal Herriko Unibertsitateko (EHU) errektoreak «lurralde biktimismoa» salatzen duen atzo Eusko Legebiltzarreko Hezkuntza eta Kultura batzordean egindako agerraldian.

PPk eskatuta agertu zen Salaburu. Popularrek «krisitza» hartu dute Arabako campuseko egoera, Patxi Palacios errektoreordeak aurkeztutako dimisioaren eraginez. Palaciosek dimitiu du EHUKo buruek Las Nieves egoitza moldatzeko aurrekontu nahikorik bideratu eta deszentralizazioa bultzatu nahi ez dutelako.

Errektorearen iduriz, Palaciosen dimisioak hautsak harrotu ditu politikoki errentagarria den «lurralde biktimismoak» eraginez. «Ni gogor ariko naiz Arabako campusaren diskriminazioaren aurka, baina baita ere Gipuzkoakoa nahiz Bizkaikoa bazterketaren kontra ere, EHU osotasunean hartu behar baitu», esan zuen.

Las Nieves egoitza moldatzeko erabili beharreko dirutzak «campusen arteko aurrekontu oreka haustea» ekarriko lukeela adierazi zuen, eta, nolabait ere, oraindik ere zenbat diru izango duen ez dakielako zehaztu zuen. Las Nieves moldatzeak 4.000 milioi pezetako kostua 0 izango lukeela adierazi zuen, eta inbertsio planak urteko 2.000 milioi pezeta besterik ez dituela ematen.

Las Nieves Gasteizko ospitale psikiatriko ohia da. Oso egoitza handia da, eta gaur egun toki osoaren laurden bat baino ez du erabiltzen EHUK. Gainontzeko espazioa, besteak beste, Arabako campuseko liburutegia jartzeko egokitzea eskatu dute.

Salaburuk, gainera, zalantza asko azaldu zituen inbertsio horren inguruan, «EHU ez baita egoitzaren jabea», Jaurilaritza baizik. Carmen Asiain bozeramaile sozialistak, berriz, egoitza Gobernuari eska diezaiola esan zion Salabururi, «Hezkuntza sailak ez baitu sekula eman behar EHUK eginkizun planean sartzen ez duen bitartean».

Pello Salaburuk ez du batere argi Las Nievesen moldaketa, baina Arabako campuseko liburutegia lehentasun plangintzan duela jakinarazi zuen; mila milioi pezetako aurreikuspena egin zuen, gainera.

Bestetik, gainontzeko lehentasunei dagokienez, Gipuzkoako nahiz Bizkaiko campusetan aularioak hobetzea eta Bizkaian Zientzietako Fakultatearen egoitza moldatu eta Ingeniaritzako obrekina jarraitzea helburu dutela jakinarazi zuen.

EAJ eta EAK ordezkariek ados agertu ziren Salabururen jarrerarekin. Bozeramaile sozialistak Arabaren «desoreka» salatu zuen eta UAK eta PPK oso kritiko azaldu ziren errektorearekin. X

Kurtso alternatiboari hasiera eman zaio EHU

■ Unibertsitateko hainbat taldek parte hartu du

Asier Iturriagaetxebarria / Bilbo

EHU-KO ikasturte Alternatiboaren aurkezpenean egin zen atzo Leioako kanpusean. Bertan unibertsitatean lanean diharduten talde hauek hartu zuten parte: Irakaslego Propioaren Aldeko Taldea, Ikasle Abertzaleak, Talde Antimilitarista, 7 baietz, Ikasle Presoen Aldeko Batzordea, Irakasle Kaleratuak eta Adierazpen Askatasunaren Aldeko Taldea.

Irakaslego Propioaren Aldeko Taldeak, izenak dioen legez, EHU irakaslego propioa ezartzea nahi du eta horren arrazoiak azaldu zituen Santi Gonzalezek. «Batetik euskarak aurre egiteko aukera gehiago izango lituzke irakasle euskaldunek egonkortasuna izango luketeelako. Bestetik unibertsitatea demokratizatuko luke, egitura aldetik eta irakasleek presio txikiagoa jasango luketenez katedra askatasuna handiagoa litzatekeelako. Bukatzeko, unibertsitateak erabakiak hemen hartzea nahi dugu, eta hori lortzeko beharrezkoa da langileak hemengoak izatea». Irakasle Kaleratuak ere bat datoz, izan ere bi premia nagusi ikuten dizkiote EHUri. Barrura begira EHUK autonomia handiagoa izan behar

duela uste dute, «eta lehendabiziko pausoa irakaslego propioa izatea da», esan zuen Jose Ramon Etxebarria irakasle ohiak. Kanpora begira Euskal Herriak bizi duen egoerari konponbidea aurkitzen saiatu behar dela unibertsitatea uste dute.

IAK euskarari emango dio lehentasuna ikasturte honetan, batez ere euskal adarra osatu dadila eskatzen du. «Ikasleak euskal izaera sentitu dezatela nahi dugu». Era berean, aurtur eduki borrokari ekingo dio irakasleak euskalduntzeko beharrezkoa dela azaldu zuten. Bestetik iaz hasitako autoritarismoaren aurkako borrokari eutsiko dio IAK. Irakasle Kaleratuaren Aldeko Batzordeak EHUKo ikasle presoen egoera txarra salatuko du aurtur ere. Preso dauden ikasleekin lotura estutu nahi du, eta ikasturte honetan tratatu pertsonalizatuagoa eskaintzeko asmoa azaldu zuen Amaia Agirregabiria IPABko kideak. Halaber, EHUKo agintariekin ikasle presoekiko jarrera salatuko dutela aurtur ere aurreratu zuen Agirregabiria. Horrez gain, propaganda lana egingo dute «askok ez baitakite unibertsitatean ikasle presoak daudela». X